

Հայաստանի Հանրապետության  
փոխվարչապետ՝ պրն. Տիգրան Ավինյանին

պատճենը՝ Բարձր տեխնոլոգիական արդյունաբերության նախարար  
պարոն Հակոբ Արշակյանին

30 հունվարի 2020թ.

Հարգելի պարոն Ավինյան,

«Մտավոր սեփականության իրավունքի կենտրոն» հիմնադրամը արդեն երկու տարի Երևանում կազմակերպում և անցկացնում է ապրիլի 26-ի Մտավոր սեփականության իրավունքի միջազգային օրվան նվիրված միջոցառումներ: 2019թ.-ի միջոցառմանը մասնակցեցին Հայաստանի Հանրապետության Վարչապետ պրն. Նիկոլ Փաշինյանը, Բարձր տեխնոլոգիական արդյունաբերության նախարարը, Կառավարության և տարբեր նախարարությունների ներկայացուցիչներ, Ազգային Ժողովի պատգամավորներ, դատավորներ և բազմաթիվ հայտնի ստեղծագործողներ ու արվեստագետներ:

Այս տարի, Մտավոր սեփականության միջազգային օրվան նվիրված միջոցառումը նախատեսում ենք անցկացնել Գյումրիում՝ ապրիլի 11-ին:

Միջոցառումն ունի հետևյալ նպատակները.

1. Հայաստանի տարբեր մարզերի բնակիչներին և Հայաստանում գտնվող արտերկրյա հյուրերին ծանոթացնել Գյումրու մշակույթին և արվեստին,
2. օժանդակել ստեղծագործողներին՝ գնելով իրենց ստեղծագործությունները, և
3. խթանել ստեղծագործական գործունեությունը:

Վերոգրյալ նպատակներից ելնելով Գյումրիում նախատեսվում է անցկացնել հետևյալ միջոցառումները.

1. Գիտաժողով և կլոր սեղան քննարկում մտավոր սեփականությանը վերաբերող թեմաներով,
2. Գյումրեցիների ստեղծագործությունների ցուցահանդես վաճառք (նկարներ, քանդակներ, զարդեր, կերամիկա, և ձեռագործ այլ ստեղծագործություններ),
3. Համերգային և/կամ մշակութային այլ ծրագիր:

Տեղում ուսումնասիրելով Գյումրու տեխնոլոգիական կենտրոնը և վերջինիս պայմանները կարծում ենք, որ այն ամենահարմար վայրն է վերոգրյալ բոլոր միջոցառումներն անցկացնելու համար: Հետևաբար, խնդրում ենք հնարավորություն ընձեռել վերոնշյալ միջոցառումները Գյումրու տեխնոլոգիական կենտրոնի տարածքում անցկացնելու համար:



«Մտավոր սեփականության իրավունքի կենտրոն» հիմնադրամը պատրաստակամ է հոգալ գիտաժողովից հետո կազմակերպվելիք հյուրասիրության և համերգային ծրագրի հետ կապված ծախսերը:

Մենք նաև ձեռնարկելու ենք հնարավոր բոլոր միջոցները, որպեսզի ապրիլի 11-ին Հայաստանի բոլոր մարզերից հյուրեր ժամանեն Գյումրի՝ ծանոթանալու Գյումրու արվեստին ու մշակույթին, ինչպես նաև ուղղակի մասնակցություն ունենալու ստեղծագործական գործունեության խթանմանը՝ այցելելով Գյումրիի տարբեր թանգարաններ և ձեռք բերելով գյումրեցիների ստեղծագործություններն ու այլ ձեռագործ աշխատանքները:

Երախտապարտ կլինենք, եթե պետական մարմինները ևս աջակցեն այս լուրի տարածման հարցում և բոլորին հրավիրեն Գյումրի՝ ապրիլի 11-ի միջոցառումներին մասնակցելու համար:

Հարգանքով,



Սուսաննա Կնյազյան

Գործադիր տնօրեն

«Մտավոր սեփականության իրավունքի կենտրոն» հիմնադրամ